



BERTSO AGENDA

2023 / OTSAILA - MAIATZA



SANTA ESKEA - ABRA SARIA - KANPOMARTXO - ESKOLATIK PLAZARA

ALGORTAKO BERTSOLARI ESKOLA

www.albe.eus

SARE SOZIALAK

 albe_bertso

 @albertsolari

 Algortako Bertsolari Eskola

HARREMANETARAKO

Martikoena 16, 2. solairua, 2. bulegoa
Algorta (Getxo)
48992 Bizkaia

605704385

albegetxo@gmail.com

Diseinua: KermanDF

Laguntzaileak:





- 4** EKITALDIAK
- 8** EKIMEN BEREZIAK
- 9** LEHIAKETAK
- 10** ARGAZKI GALERIA

-  *Jaialdia*
-  *Berezia*
-  *Bertso jira*
-  *Txapelketa*
-  *Bertso otordua*

OTSAILA



ZAPATUA

SANTA ESKEA

9:00 GETXO

Aspaldiko ohitura da Euskal Herrian Santa Ageda bezperan, otsailaren 4an, kale-baserrietara kantuan irtetea, koplak eta bertsoak abestera.

Getxon aspalditik batzen gara -askotan Lauaxeta euskaltegiokokin batera- eta udalerriko baserrietara joaten, maki-lak hartuta, koplak zaharrak eta berriak abestera.

Jaitsi kantapaperak esteka honetatik:
<https://labur.eus/Santaeskea>



2022ko Santa eskea / albe.eus

- **9:00** AEK-ko Lauaxeta euskaltegian hasi eta Fadura atzeko baserrietan ibiliko gara
- **15:00** Algortako Gure Toki jatetxean bazkaria
- **17:00** Getxoko Bentatik abiatu eta Andra Mari inguruan buelta

Bazkarirako izena emateko epea: otsailaren 1a

OTSAILA



BARIKUA

XXII. ABRA SARIA

19:00 ALGORTAKO AZEBARRI

Bertsolariak:

Ander SARRIUGARTE (Durango)
Irantzu IDOATE (Hazparne)
Peru IRASTORZA (Algorta)
Maddi AIESTARAN (Beasain)
Beñat ASTIZ (Barañain)
Maddi AGIRRE (Gasteiz)



ABRAKI oroigarria Aitor Zumalabek diseinatu zuen eskolaren logoa oinarrituta eta sariketako parte hartzaile guztiei ematen zaie. / albe.eus

Abra sariketa 2002an sortu zen Euskal Herriko bertsolari gazteei plazarako saltoa ematen laguntzeko, eta ordutik urtero jokatu ohi da Getxon.

2015ean, ALBERen 35. urteurrena dela eta, sari-keta berezia egin zen eta ordura arteko txapel-dunek makila jokatu zuten.

Aurtengoa 22. edizioa izango da eta dagoeneko erreferentzia da Euskal Herri osoko gazte sariketen artean.

APIRILA



ZAPATUA

XXVIII. ESAERA ZAHARREN TXAPELKETA

11:30

SOPELA

Uribe Kostako AEK-k antolatuta, eta udalerriko talde eta elkarte askok lagunduta, dagoeneko tradizio handia duen ekitaldia da hau.

ALBEkideen bertsoen bitartez ematen diren lorratzei jarraiki, atsotitzak asmatzean datza txapelketa arrakastatsu hau. Lehen fasea goizez egin ohi da, tabernaz taberna eta musikaz lagunduta. Bazkaldu ondoren, talde finalistek bigarren faseari ekingo diote, bertsolari gonbidatuen bertsoei adi.

Anima zaitetze parte hartzera!



2019ko txapelketa / Hiruka.eus

Bazkalosteko bertso saioa:

Erika LAGOMA

Xabat GALLETEBEITIA

Informazio gehiago www.aek.eus webgunean.

APIRILA



DOMEKA

KANPOMARTXO

11:00

ERANDIO

Erandioko Berbots talde euskaltzaleak egindako lan handiaren fruitu duzue egun osoko erronomia hau. 1994. urtean berreskuratu zuten euskaldunak eta euskaltzaleak batzea helburu zuen ospakizuna.

Ordutik huts egin barik egiten da, Erandioko auzoetan txandaka, eta bertsoa ez da inoiz falta izaten, ALBEkook BERBOTSekoekin daukagun harreman sendo eta historikoari esker.

Aurtengoa ere ez da makala izango!



Bertso saioa 13:00etan:

Oihana BARTRA

Kerman DIAZ

APIRILA

22

ZAPATUA

BERTSO BAZKARIA

14:00

ALGORTAKO PATXEKO TABERNA

Bertso otordu honi 'klasikoa' deitu ohi diogu, tematikotik bereiztearren, baina funtsean bertso bazkari edo afari tradizionala dugu.

Pandemiako online saioaren ostean mahai bueltara itzuli ginen iaz, eta izugarri gozatu genuen Amets Arzallus eta Saioa Alkaizaren bertsoekin.

Aurten dagoeneko etxekoa den Patxeko Etxera itzuliko gara, bazkari eder baten ostean Mirenen eta Nerearen bertsoez disfrutatzeko.



2022ko bertso bazkaria Patxeko Etxean / albe.eus

Bertsolariak:

Miren AMURIZA

Nerea IBARZABAL

MAIATZA

14

DOMEKA

GETXOKO ANDRA MARIKO JAIK

12:30

KIROLDEGIKO APARKALEKUA

Antzinatik izaten dira bertsoak Getxoko Andra Mariko Isidro Deunaren jaietan; behinola meza osteko giroan, eta gaur egun gazte saltsan. Udako jaietako bertsosaioen txupinazoa izaten da hau.



2022ko Andra Mariko jaiak / albe.eus

Bertsolariak:

Arrate ILLARO

Kerman DIAZ

Maialen LAGO

Joanes IGEREGI

GJ: Aritz LANDETA

MAIATZA

19

EGUENA

ESKOLATIK PLAZARA

10:00

AREETAKO ANDRES ISASI
MUSIKA ESKOLA

Tradizio luzeko saio honen helburua Getxoko ikastetxeetan urtean zehar bertsolaritza ikasten diharduten ikasleei bertso plaza erreala-ren panoramika eskaintzea da.

Ekitaldian eliteko bertsolariak eta harrobikoak elkarren ondoan aritzen dira, bertsolaritzako ikasleak hartzaile zuzen eta protagonista direla.

Nahikari Ayo bertso irakasleak koordinatzen ditu ikasle taldeak.



Getxoko bertsolaritza ikasleak iazko saioan / albe.eus

Bertsolariak:

Naroa TORRALBA

Sustrai COLINA

+ ALBEko bertsolari gazteak



Kerman Diaz eta Andoni Egaña 2022ko Eskolatik Plazara ekitaldian / albe.eus

ASE BERTSOZ

ALGORTAKO AZEBARRI ELKARTEAN



BERTSO PIKOTEOA
ALBEKO BERTSOLARIEKIN

HILEKO AZKEN OSTEGUNETAN

ALBEren eta AZEBARRIren arteko elkarlanean sortutako bertso ekimen hau 2019an sortu zen. Ordutik hilean-hilean egin ohi dugu ASE BERTSOZ izeneko bertso dinamika hau Azebarri kultur txokoan. Pikoteo arin baten aitzakian, bertsoan aritzen dira ALBEko bertsolariak, gai edo egoera batetik abiatuta.

Kantari zein entzule har daiteke parte saio bizi, umoretsu eta mamitsu honetan. Peio Arondok dinamizatzen du ekitaldia eta da-goeneko bertso plan kilikagarri bilakatu da hilean behineko azken ostegunetako bertso-pote moduko hau.



23 OTSAILA

30 MARTXOA

27 APIRILA

25 MAIATZA

MAIATZA

5

ASTELEHENA

XV. BALENDIN ENBEITA BERTSOPAPER LEHIAKETA

ALBEk urte birik behin eratutako bertsopaper lehiaketa entzutetsua. Bertso sortak bidaltzeko epea: **maiatza-ren 15etik irailaren 30era**.

Hemen dituzu oinarriak:

<https://labur.eus/balendin2023>



LEHIAKETAK

LEHIAKETAREN NONDIK NORAKOAK

1930ean Bertsolari Txapelketa bat jokatu zen Getxon, eta Balendin Enbeitak irabazi zuen. 59 urte geroago, ALBEk bertsopaper lehiaketa bat sortu zuen, Getxoko Udalaren eta Kultur Etxearen laguntzaz, eta Balendin Enbeita ipini zion izena, Muxikako bertsolari ezagunaren omenez.

Hasieran urtero jokutzen zen Balendin Enbeita bertsopaper lehiaketa, eta bertso jartzaile askok hartzen zuten parte. Orduko edizioetan helduen eta gazteen atalez gain, bertso eskolen atala ere egon zen, taldeka parte hartu ahal izateko. Sariak handiak izaten ziren, bai dirutan, bai materialetan. Sari emateak ere arranditsuak izaten ziren, eta Neguriko futbol zelaiaren ondoko Errota Zaharra jatetxean egiten ziren, bazkari eder baten inguruan. Lehenengo bost edizioetan saritutako bertsoak liburu batean argitaratu ziren.

Gaur egun lehiaketa urte birik behin egiten da. Egitura bakundu egin da eta sail bi baino ez daude: helduak eta gazteak. Baina sariak eta parte hartzeak handiak izaten jarraitzen dute. Sari ematea urte amaierako ALBE GALAn egiten da, bertso festa eder baten bihotzean.



2021. urteko irabazlea, Aner Euzkitze / albe.eus

Bertsogile askok jantzi dute lehiaketa honeko txapela, Honahemen azken urteetakoak: 2017an Fredi Paia helduen mailan eta Julene Iturbe gazteen mailan; 2019an Eneko Fernandez helduen mailan eta Peru Irastorza gazteen mailan; 2021ean Aner Euzkitze helduen mailan eta Naia Arrizabalaga gazteen mailan.

Animatu zuek ere lehiaketa historiko honetan parte hartzera!



BIHOTZA GAZTE 2022





ALBE GALA 2022



TXAPELONDO 2022



